

Ubrzana izgradnja tribine Gradskog stadiona u B. Luci

27/03/2012 20:01 by Administrator

Dolaskom proljeća i lijepijeg vremena radovi na izgradnji sjeverne tribine Gradskog stadiona u Banjoj Luci su ubrzani, a prema najavama, posao bi trebao biti završen do ljeta. Nova sjeverna tribina će imati oko 3.000 sjedećih mjesta, a ispod nje bi trebale biti izgrađene svlačionice i mokri čvorovi po svim propisima UEFA-e.

Nakon rekonstrukcije istočne i zapadne tribine, koja je obavljena 2010. godine, stadion u Banjoj Luci je ispunio uslove za odigravanje međunarodnih utakmica.

Krajem oktobra prošle godine je počela izgradnja nove tribine na sjeveru, a iz FK Borac i Administrativne službe grada Banja Luka je najavljeno da će se odmah nakon završetka radova na sjevernoj, pristupiti i izgradnji južne tribine.

Poslije toga, banjalučki Gradski stadion bi trebao dobiti potpuno drugačiji izgled, ali, što je za ljubitelje fudbala najbitnije, i zadovoljiti najrigoroznije standarde FIFA-e i UEFA-e.

Izvor vijesti: Sarajevo-x.com